



ԽԱՉԱՏՈՒՐ ԱԲՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ
ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ



ՀԱՅՈՑ ՊԱՏՄՈՒԹՅՈՒՆ ԵՎ ՀԱՄԱՇԽԱՐՀԱՅԻՆ ՊԱՏՄՈՒԹՅՈՒՆ

ՍԵՓԱԿԱՆ ՆԱԽԱԶԵՌՆՈՒԹՅԱՄԲ (ԿԱՄԱԿՈՐ) ԱՏԵՍԱԿՈՐՄԱՆ ՆՊԱՏԱԿՈՎ ՈՒՍՈՒՑԻՉՆԵՐԻ
ՔՆՆՈՒԹՅԱՆ ՀԱՐՑԱԹԵՐԹԻԿԻ

ՈՒՂԵՑՈՒՅՑ

ԵՐԵՎԱՆ 2022

ՆԱԽԱԲԱՆ

Ուղեցույցում ներկայացված են 2022 թ. «Հայոց պատմություն» և «Համաշխարհային պատմություն» առարկաները դասավանդող ուսուցիչների սեփական նախաձեռնությամբ (կամավոր) ատեստավորման հարցաթերթիկի կառուցվածքը և դրա լրացման կարգը, ինչպես նաև առաջադրանքներում ընդգրկվելիք ծրագրային նյութի շրջանակները:

Ուսուցիչների ատեստավորման հարցաթերթիկի կազմման համար որպես հիմք են ընդունվել «Հայոց պատմություն» և «Համաշխարհային պատմություն» առարկաների հանրակրթական դպրոցի ծրագրերը:

Առաջադրանքներում ընդգրկվելու են «Հայոց պատմություն» և «Համաշխարհային պատմություն» առարկաների առարկայական ծրագրի գրեթե բոլոր թեմաները, որոշ քարտեզներ և դասագրքերում առկա նկարներ:

ՀԱՐՑԱԹԵՐԹԻԿԻ ԿԱՌՈՒՑՎԱԾՔԸ

Հարցաթերթիկի ընդհանուր միավորը 100 է: Կարճ պատասխանով առաջադրանքներին տրվում է ընդհանուր 34, ընտրովի պատասխանով առաջադրանքներին՝ 17, ընդարձակ պատասխաններով առաջադրանքներին՝ 49 միավոր:

Ըստ առաջադրանքի բարդության՝ յուրաքանչյուրի ճիշտ պատասխանին տրվում է 0,25-ից մինչև 7 միավոր: Յուրաքանչյուր պատասխանի միավորը գրված է առաջադրանքի մոտ:

Հարցաթերթիկի առաջադրանքների կատարման համար տրամադրվում է 180 րոպե:

ԱՌԱՋԱԴՐԱՆՔՆԵՐԻ ԿԱՌՈՒՑՎԱԾՔԱՅԻՆ ՏԵՍԱԿՆԵՐԸ ԵՎ ՊԱՏԱՍԽԱՆՆԵՐԻ ԼՐԱՑՄԱՆ ԿԱՐԳԸ

1. Կարճ պատասխանով առաջադրանքներ

Տրված են ժամանակագրական հաջորդականության, համապատասխանության, բոլոր ճիշտ պատասխանների ընտրությամբ, բոլոր սխալ պատասխանների ընտրությամբ առաջադրանքներ, որոնց ճիշտ պատասխանին համապատասխանող թվերը պետք է տեղադրել ձևաթղթի համապատասխան վանդակներում:

Ճիշտ և լիարժեք պատասխանի համար տրվում է նախատեսված միավոր, սխալ կամ թերի պատասխանի կամ պատասխանի բացակայության դեպքում միավոր չի տրվում:

2. Ընդրովի պատասխանով առաջադրանքներ

Ձևակերպվում է հարցը և տրվում է պատասխանի տարբերակներ, որոնցից պետք է ընտրել ճիշտը: Ճիշտ պատասխանի համար տրվում է միավոր, սխալ պատասխանի կամ պատասխանի բացակայության դեպքում միավոր չի տրվում:

Պատասխանների ձևաթղթում ընտրովի պատասխանով առաջադրանքներից յուրաքանչյուր առաջադրանքի համարի ներքևում տրված են համապատասխան թվով վանդակներ: Տրված առաջադրանքի ճիշտ պատասխանը գտնելուց հետո անհրաժեշտ է համապատասխանող վանդակում գրել պատասխանի թիվը:

3. Ընդարձակ պատասխանով առաջադրանքներ

Տրված հարցերին, նկարներին, հապավումներին պետք է տալ ընդարձակ պատասխաններ: Անհրաժեշտ է ընթեռնելի ձեռագրով գրել պատասխանները ձևաթղթում:

Ճիշտ և լիարժեք պատասխանի համար տրվում է նախատեսված միավոր, սխալ կամ թերի պատասխանի կամ պատասխանի բացակայության դեպքում միավոր չի տրվում: